

Obraćanje visokog predstavnika Valentina Inzka na komemoraciji žrtvama srebreničkoga genocida



Poštovane majke, poštovane i drage porodice žrtava, koje ste čekale na ovaj dan osamnaest godina.

Jučer sam dobio jednu SMS poruku od mlade teško bolesne Sarajke, Bošnjakinje muslimanke iz Sarajeva, koja mi je napisala da će se danas opet more suza saliti nad tabutima šehida. A onda mi piše Eldina: „Ljudi, sijte ljubav a ne mržnju.“

Jutros sam dobio poruku od franjevca Nikice, franjevca Bosne Srebrene iz Fojnice koji mi je napisao: „Na mržnju treba odgovoriti ljubavlju i mirom.“

Znači, ljubavlju i mirom.

Identična poruka jedne muslimanke i jednog franjevca, a to je istovremeno univerzalna i najjača poruka jučerašnjeg Marša mira i današnje komemoracije. Poruka cijelom svijetu, poruka mira, i poziv da budemo bolji.

Druga poruka je također veoma važna. Ako zaboravimo nedužno ubijene, to bi bilo kao kada bismo ih ubili po drugi put.

Na kraju još jedna misao. Ako želimo upoznati Bosnu i Hercegovinu, moramo upoznati Srebrenicu. Ako želimo razumjeti

Bosnu i Hercegovinu, moramo prvo razumjeti Srebrenicu. Ko ne poznaje Srebrenicu, ne poznaje ni Bosnu i Hercegovinu.

Poštovane majke, poštovane porodice žrtava, poštovani prisutni.

Dajemo počast i molimo za one koji su ovdje stradali. Neka nađu svoj smiraj na ovom svetom mezarju. Neka im Uzvišeni i Svemilosni odredi posebno mjesto u džennetu. Neka im je vječni rahmet.

Photo: Anadolu Agency